

南籠續志卷五例目

條例

建置志 城池

縣或有城或無城有城者何年舊修何年增修何年新修周
圍若干里住戶若干家或在平地或倚半山形勢如何均應
詳載

目錄

外城

內城

例目

三十一

南籠續志卷五

南籠縣修志局纂修宋紹錫撰

建置志

城池

南籠城有二一舊城即內一外城舊志紀之甚詳今似無事可述惟自咸同兵燹後數十年間不無修廢因得據實直書不飾不諱知我罪我付之眾論而已續城池

外城

府外城乾隆七年建嘉慶二年苗變後拓修咸豐回亂多被傾燬同治十二年知府陳廷樑增修

按府城乾隆七年題建因包舊城於內故人謂為外城嘉慶二年

城池

三十二

苗變時龍井山尚在城外苗曾據以瞰城內事平乃拓城圍山於城內嗣至道光二十一年及二十八年知府張鎮修西南二門城樓又拓建西便門即小西門均詳舊志惟牆垣甚低東南隅夾馬石一帶甚可攀登回亂失陷時賊即由此闌入復因官軍攻克為便利軍事起見致多傾燬之處今小西門外所謂地雷脚者即當日官軍用地雷轟燬處也似此則城之宜修彰彰明甚同治十二年知府陳廷樑委紳修復並於其上增高三尺今觀城之蓋面石上碎石磊磊者即是不謂當日竟有議其非者殆以增高為非制歟抑以修復為不合歟是存何心令人索解不得矣

內城

府內城即舊城明洪武二十三年建清康熙二年及三十四年重修

同治回逆據叛又修光緒二十九年知府李大椿撤廢

按此舊城其基即古之陵元堡也嗣為安隆所城雍正五年設府遂為府城規模雖隘形勢則優舊志考之綦詳實制城也光緒二十九年知府李大椿因曾為回據之故藉口偽城請於上遂撤廢焉惟是故城殘壘古人往往用為考証之資勝蹟流傳亦復動人觀感如此舊城歷史均班班可考亟宜保存永作名勝况形勢高踞洵為天然礮臺設有烽警可據以守嘉慶二年苗逆之變咸豐四年教匪之亂被圍日久城得保全者胥賴此也以古蹟言既如彼以形勝言又如此胡不加察而遂廢之耶然既廢矣追悔何及所深望者眾志以成或可補救於萬一耳

城池

三

可浩嘆君子於此不勝人心世道之憂矣